

MASFJORDEN KOMMUNE
Austfjordvegen 2724
5981 MASFJORDNES

Dato	01.11.2023
Vår referanse	2023/82144-10
Dykkar referanse	
Sakshandsamar	Hans Inge Gloppen
E-post	Hans.Inge.Gloppen@vlfk.no
Telefon	97414040

Breibandmidlar 2021 - tilskot til utbygging av Breiband - Masfjorden kommune (Breiband-288-2023)

Vi viser til søknad om tilskot til breibandutbygging i 2021. Nasjonal kommunikasjonsmyndighet (Nkom) har godkjent prosjekta som fekk støtte i 2021, felles konkurranseutlysing med forhandlingar er unnagjort og kontraktar er signert.

Tangedalen i Masfjorden fekk ikkje tilbod då området låg ute på Doffin. Masfjorden kommune gjekk difor i direkte dialog med Telenor i eit forsøk på å byggja ut området, jf. FOA § 13-3 a og b:

Oppdragsgiveren kan bruke konkurranse med forhandling uten forutgående kunngjøring dersom

- a) *oppdragsgiveren i en forutgående åpen anbudskonkurranse eller begrenset anbudskonkurranse bare mottok uakseptable tilbud, jf. § 13-2 bokstav e. Oppdragsgiveren skal invitere alle leverandørene som ga tilbud i den forutgående anbudskonkurransen, og bare dem, til forhandlinger. Oppdragsgiveren kan likevel ikke invitere leverandørene som ble avvist etter § 24-1 eller § 24-2. Oppdragsgiveren kan ikke foreta vesentlige endringer i kravspesifikasjonene eller kontraktsvilkårene;*
- b) *oppdragsgiveren i en forutgående åpen eller begrenset anbudskonkurranse ikke mottok forespørsler om å delta i konkurransen eller tilbud. Det samme gjelder dersom oppdragsgiveren bare mottok forespørsler eller tilbud som skulle eller kunne avvises etter § 24-2, eller bare mottok tilbud som åpenbart ikke oppfylte oppdragsgiverens behov eller krav som følge av vesentlige avvik fra anskaffelsesdokumentene. Oppdragsgiveren kan ikke foreta vesentlige endringer i kravspesifikasjonene eller kontraktsvilkårene;*

Hovudutval for Næring vedtok 24. juni 2021 å setja av 200.000 kroner til utbygging av breiband i Tangedalen i Masfjorden kommune (PS 50/2021)

Stadfesting

Vi ber dykk signere vedlagt akseptskjema og returnere til oss på e-post til hans.inge.gloppen@vlfk.no, seinast 30. november 2023.

Finansiering:

Tilskot frå Vestland fylkeskommune	200 000
Lokal medfinansiering Vaksdal kommune	200 000
Sum offentleg tilskot	400 000
Privat medfinansiering (anslag)	0
Godkjent finansiering	400 000

Tilskot frå Vestland fylkeskommune utgjer inntil 50 % av godkjent finansiering, avgrensa til 200 000 kr

Generelle vilkår:

- Kommunen er prosjekteigar og kontraktspart og pliktar å sette seg inn i kva krav som følgjer av dette.
- Kommunen pliktar seg også til å sette av nok tid til gjennomføring av utbyggingsprosjektet og oppfølging av leverandør, jf. søknad og kontrakt. Kommunen skal etablere eit prosjektrekneskap med rutinar for økonomistyring og rapportering.

- Større endringer i prosjektplan, budsjett eller finansieringsplan, skal etter søknad frå tilskotsmottakar godkjennast av fylkeskommunen. Søknaden må vere signert av rådmann eller den rådmannen har gitt fullmakt.
- Føresetnadane som ligg til grunn for fylkeskommunen si løyving er at prosjektet vert finansiert slik godkjend finansieringsplan ovanfor viser. Fylkeskommunen sin finansieringsdel er inntil 50 prosent av det samla offentlege tilskotet.
- Prosjektet må gjennomførast i samsvar med innsendt søknad, og i tråd med tilskotsbrevet og kontrakt. Om dette kravet ikkje er oppfylt, kan tilskotet bli tilsvarande avkorta. • Informasjon om prosjektet kan verte omtala på www.VLFK.no

Profilerings

- I alle presentasjonar av, og orienteringar om prosjektet, pliktar tilskotsmottakar å informere tydeleg om at prosjektet er delfinansiert av Vestland fylkeskommune.
- Retningslinjer for profilering av Vestland fylkeskommune; [Grafisk profil - Vestland fylkeskommune](#)

Utbetaling ved signert kontrakt

- Fylkeskommunen kan utbetale inntil 25 prosent av tilskotet når kommunen har signert kontrakt med utbygger, og kopi av denne er sendt til Vestland fylkeskommune. Det kan bli sendt justert tilskotsbrev når kontrakt er inngått. Utbetalingsoppmoding skal sendast inn gjennom www.regionalforvaltning.no. Vi kjem attende med meir informasjon om denne portalen for dei som ikkje har søkt her seinare.

Delutbetaling

- Tilsegnsmottakar kan oppmode om delutbetaling gjennom www.regionalforvaltning.no. Oppmodinga må innehalde statusrapportering og kostnadsrapport over akkumulerte kostnader (last opp relevante vedlegg).
- Det vert maksimalt mogleg å oppmode om delutbetaling på 75 prosent av løyvd beløp. Har ein fått utbetalt 25 prosent ved aksept av vilkår, kan ein dermed maksimalt oppmode om delutbetaling på 50 prosent. Ved utbetaling av dei neste 50 prosent av tilskotet må søker leggje ved dokumentasjon på faktiske utgifter (dømevis utdrag frå rekneskapsystem) på 75 prosent av totalkostnadane i prosjektet. Resterande 25 prosent kan først utbetalast når aktiviteten er fullført og sluttrapport og revidert rekneskap er sendt inn til fylkeskommunen.

Prosjektavslutning og sluttutbetaling

- Det skal førast spesifisert rekneskap for kostnadane. Rekneskapen skal setjast opp slik at den kan jamførast med endeleg kostnads- og finansieringsplan.
- Så snart som mogleg, og seinast innan tre månadar etter at prosjektet er avslutta, skal tilsegnsmottakar sende oppmoding om sluttutbetaling gjennom www.regionalforvaltning.no.
- I særskilte høve kan prosjektet etter skriftleg søknad til Vestland fylkeskommune få forlenga fristen for utbetaling av tilskotet.
- Det fyllast ut ein sluttrapport og kostnadsrapport i www.regionalforvaltning.no. Dette må skje innan 3 månadar etter at prosjektet er ferdig. Dersom prosjektet ikkje er ferdigstilt innan fristane i konkurransegrunnlaget (september 2023) skal det sendast ein plan for ferdigstilling, og søkjast om utsett frist innan denne datoen. Fristen er sett ut frå rapporteringskrav til Nkom. Sluttrapporten skal innehalde opplysningar om teknisk løysing, kapasitet, hustandar som har fått tilbod, hustandar som har kopla seg opp og utbyggingsperiode.
- Sluttrapport og sluttrekneskap skal godkjennast av prosjekteigar. Dette gjev formelt grunnlag for utbetaling.
- Rekneskapen skal vere stadfesta av revisor.
- Tilsegnsmottakar har ansvar for å kontrollere at utbetalt beløp er korrekt. Eventuelt for mykje utbetalt tilskot skal betalast attende snarast.

Kontroll

Fylkeskommunen og fylkeskommunen sin revisor har når som helst rett til å kontrollere at midlane vert forvalta i samsvar med vilkåra i tilsegna. Vi gjer merksam på at de pliktar å gje fylkeskommunen og fylkeskommunen sin revisor dei opplysningane dei finn påkravd for sin kontroll.

Kontaktperson

Vestland fylkeskommune sin kontaktperson og sakshandsamar for dette prosjektet er:

Hans Inge Gloppen E-post: hans.inge.gloppen@vlfk.no Mobil: 97 41 40 40

Med helsing

Sølve Sundbø

seksjonssjef

NPI - Innovasjonsinfrastruktur

Hans Inge Gloppen

seniorrådgjevar

NPI - Innovasjonsinfrastruktur

Brevet er elektronisk godkjent og har difor inga handskriven underskrift

Kopi til:

Andreas Losnegaard